

# LIHLOPHA TSE NYANE

## Lenane-thuto

Notes —

### KAROLO EA #1:

- I. Selelekela.
- II. Lihlopha tse nyane e le Batsamaisi le Baholisi ba Tikoloho.

### KAROLO EA #2:

- III. Ho arabela litlhoko ka Lihlopha tse Nyane.
- IV. Maikutlo a ka sebelisoang ho haha Lihlopha tse Nyane:
  - A. Lengolo la Sehlopha se Senyane.

### KAROLO EA #3:

- IV. Maikutlo a ka sebelisoang ho haha Lihlopha tse Nyane:
  - B. Litlhahiso bakeng sa Baetapele ba Lihlopha tse Nyane.

### KAROLO EA #4:

- IV. Maikutlo a ka sebelisoang ho haha Lihlopha tse Nyane:
  - B. Litlhahiso bakeng sa Baetapele ba Lihlopha tse Nyane. (nts'etso-pele.)

### KAROLO EA #5:

- IV. Maikutlo a ka sebelisoang ho haha Lihlopha tse Nyane:
  - B. Litlhahiso bakeng sa Baetapele ba Lihlopha tse Nyane. (nts'etso-pele.)
  - C. Litlhahiso bakeng sa Lintho tse ka etsoang ke Lihlopha tse Nyane.
- Tlhahlobo.

# LIHLOPHA TSE NYANE

Notes —

## Tlhahlobo

### Lipotso tse ka lebelloang, Limaraka li 20

- 1) Hlalosa ts'ebeliso ea lihlopha tse nyane ea Li-Methodist tsa pele (leq. 215).
- 2) Khetha lithlhoko tse peli tse rarolloang ka ho ba le lihlopha tse nyane, o be o hlalose tlhoko ka ngoe (maq. 216-218).
- 3) Sebelisa lintlha tse tharo ho bonts'a mokhoa oa ho haha bolokolohi bakeng sa puisano e bulehileng lihlopheng tse nyane (maq. 224-227).

### Lipotso tse ka lebelloang, Limaraka li 10

- 1) Bolela lithlhoko tse 'ne tse rarolloang ka ho ba le lihlopha tse nyane (maq. 216-218).
- 2) Bolela e meraro ea “melao” e mehlano bakeng sa baetapele ba lihlopha tse nyane (maq. 219-220).
- 3) Hlalosa tsela e le ngoe ea ho thibela setho se le seng sa sehlopha ho bua ho feta tekanyo (maq. 221- 222).
- 4) Bolela mefuta e mene ea lipotso tseo moetapele oa sehlopha a ka li sebelisang ho etsa hore batho ba nke karolo (maq. 223-224).
- 5) Bolela litsela tse tharo tseo metlae e ka bang molemo bakeng sa sehlopha se senyane (leq. 230).
- 6) Maikutlo a ts'ebetso ea “setulo se senang letho” ke a fe bakeng sa sehlopha se senyane (leq. 232).

# LIHLOPHA TSE NYANE

## I. Selelekela.

Notes —

### A. Bohlokoa ba lihlopha tse nyane Historing ea kereke.

1. Ke 'nete hore, neng kapa neng ha tsosetso ea semoea e ne e etsahala historing ea kereke, tsosetso e ne e lula e lateloa ke maikutlo a tikoloho kapa khokahano le ho phutheha 'moho.
  - a. "Koinonia" e ba taba ea mantlha, ea sehlooho. Koinonia e bolela kopano kapa karolelano ea likamano ho tloha ntlong e ngoe ho ea ho e ngoe.
  - b. Boipolelo ba libe e ba taba ea mantlha.
  - c. Ho jarelana mefokolo e ba taba ea mantlha.
2. Kahoo, ts'ebeliso ea lihlopha tse nyane e ba tsepamo, kapa taba ea mantlha.
  - a. Mohlala, tsosetso ea Wesele ka mongoaha oa 18, e ile ea sebelisa le ho haha lihlopha tse nyane ho fepa le ho nosetsa tsosetso eo.
  - b. Nakong ena, moevangeli ea matla, George Whitefield, o ile a ngolla balumeli ba hae mantsoe a latelang:

"Banabeso, ha re beng le nako ea ho bolellana le ho arolelana ka bolokolohi le ka ho hlaka seo Molimo a se entseng bakeng sa meea ea rona. Ho fihlela joale, le ka etsa hantle, joalokaha ba bang ba 'nile ba etsa, ho ipopa le ho ikhaha ka **lihlopha tse nyane**, tsa batho ba bane kapa ba bahlano sehlopheng ka seng, 'me le kopane hang beke le beke ho bolellana litaba tse lipelong tsa lona; e le hore le tle le rapellane kapa ho khothatsana ho latela kamoo tlhoko e leng ka teng. Bohle ba kileng ba ba le boitsebelo ba melemo ea kopano le khokahano ea meea, ba na le bolokolohi ba ho bolela tseo ba li tsebang. Ha ke lumele hore motho ea nang le lerato la 'nete bakeng sa ngoanabo a ka ba lihlong ho bula pelo ea hae, bakeng sa ho fumana keletso, tataiso, khothatso le thapello, ho ea kamoo boemo bo leng ka teng. Motho oa 'nete o tla bona hoo e le e ngoe ea litlhothonolofatso tse kholo.'"¹

### B. Bohlokoa ba lihlopha tse nyane kajeno.

1. Kajeno, ba bang ba bitsa lihlopha tsena tse nyane "lihlopha tsa lehae" kapa "lisele."
2. Haholo-holo nakong ena ea "Kereke-kholo," (likereke tse nang le batho ba fetang 1,000) lihlopha tsena li bohlokoa. Li fana ka monyetla oa ho ba le tikoloho ea 'nete.

# LIHLOPHA TSE NYANE

Notes —

3. Kereke e kholohali lefats'eng lohle, e Seoul, Korea e sebelisa khaho ea lihlopha tse nyane e le e ngoe ea mekhoha ea mantlha ho fepa, ho hahisa le ho holisa kereke.

**Beha Mohlala oa hau**

## II. Lihlopha tse Nyane e le Batsamaisi le Baholisi ba Tikoloho.

### A. Selelekela sa Tikoloho.

1. “Bonang, ho hotle ho monate ha kaakang ha baena ba phela ‘moho ba ntse ba le bang[ka bongoe]” (Pes 133:1).
  - a. Ka bomalimabe, batho ba bangata ba tlohela tlhohonolofatso le thabo ea tikoloho le phelisano, haholo-holo likarolong tse bophirimela tsa lefats’e moo bophelo bo potlakileng, moo lintho li etsahalang ka pele.
    - 1) Re sireletsa liketso tsa rona ka hore tikoloho ke karolo ea boikhethelo ea Bokreste.
    - 2) Leha ho le joalo, tikoloho le phelisano, ha se ketso ea boikhethelo Bokresteng, hobane bokreste bo ke ke ba phela, ebile bo ka hloka moelelo ha ho se tikoloho le phelisano.

### **Ntlha ea Puisano**

Tikoloho le phelisano, li nkoa e le karolo ea tlahoso ea **“Kereke.”** Na kereke e ka ba kereke ntle le tikoloho le phelisano?

Hopola, kereke **ke kopano le phutheho kapa pokano** ea ba bitsitsoeng.

Buisanang ka lintlha tsena.

# LIHLOPHA TSE NYANE

2. Ho Liketso khaolo ea bobeli, re bona hore balumeli e ne e le lelapa. Ba ne ba “tiisetsa tempeleng ka matsatsi oohle, ba le pelo e le ngoe, e ne e re ha ba tsoa tlung e ngoe, ba kene ho e ngoe, ba ntse ba ngoatha bohobe, ba ne ba e ja lijo tsa bona ka thabo le ka lipelo tse monate.” (Lik 2:46).
- a. Hang-hang kamor’a hore kereke ea Jesu Krete e tsoaloe, e ile ea qala ho kopana ka lihlopha tse nyane.
  - b. Ba ne ba kopanela matlong. Ba ne ba rorisa Molimo ‘moho.
  - c. Litholoana e ne e le tse ntle, tse hlollang. Ba ne ba ratana, ‘me kereke e ne e hola letsatsi ka letsatsi (Lik 2:46, 47).
3. Kajeno, joaloka kamehla, kopano le kamano ea baena e lokela ho ba ntho ea mathomo Kerekeng.
- a. Re lokela ho utloisisa tlhoko ea Bibe le ea Tikoloho le phelisano. (bakeng sa thuto e pharaletseng ea sehlooho sena, sheba thuto e bitsoang “Kopano ea Kereke”).
  - b. Re lokela ho hahla mokhoa oa Bibe le ho tsamaisa tikoloho le ho akofisa phelisano.

## Ntlha ea Puisano

Bolela litsela tsa ho akofisa le ho hahla tikoloho le phelisano e ntle kerekeng ea hau ea lehae.

### B. Lihlopha tse nyane e le Batsamaisi le Baholisi.

1. Re hloka ho ba le tikoloho ea ‘nete re le kereke.
- a. Kopano le kamano ea rona le bana ba bo Rona, e lokela ho teba joaloka kopano le kamano ea rona le Ntat’a rona.
  - b. Ha rea lokela ho ba le mofuta o sa tebang oa tikoloho le phelisano, mofuta o joalo hangata o fumanoa mekhatlong ea botho. Kamano ea rona e lokela ho ts’oana le ea lelapa.

Notes —

# LIHLOPHA TSE NYANE

## Notes —

2. Re ka khona ho qoba tikoloho e se nang kamano le kutloano ea ‘nete joang?
  - a. Pele ho tsohle re lokela ho elelloa le ho amohela hore tikoloho ea Bokreste ke batho ba bilelitsoeng **selekaneng** le Ntat’a bona le selekaneng hammoho e le batho.
  - b. Re lokela ho sebetsa ka mokhoa oona. Re lokela ho sebetsa tjena ka ho otloloha.
    - 1) Tsela e ntle ea ho etsa sena ke ka ho etsa selekane le sehlopha se itseng se senyane sa Balumeli.
    - 2) Ha re ipolelle ‘nete ha re ka nahana hore re ka rapella batho 250 ka matla. Ha se ntho e ntle ho jara mejaro ea batho ba 300. Ha se ntho e bobebe hore motho a utloe ho le bobebe ho bolela libe tsa hae ho batho ba 750. Ho haha tikoloho ea phelisano ho ka ba thata haholo haeba re leka ho e haha ka lihlopha tse kholo tsa batho. Bakeng sa hore tikoloho ea phelisano e be le moelelo le bonnete, re lokela ho sebelisa lihlopha tse nyane.
    - 3) Kerekeng ea Testamente e Ncha, tikoloho ea phelisano e ne e etsoa ka lihlopha tse nyane. Ba ne ba hlophisa likereke tse nyane tsa lehae. Tikoloho ea phelisano e ne e le ‘nete ebile e tiile.

### Ntlha ea Puisao

Ke lits’ita tsa mofuta o fe tse thibelang kereke ea hau ho ba le selekane sa tikoloho ea phelisano? Lits’ita tsee li ka hloloa joang?

# LIHLOPHA TSE NYANE

## **Mohlala ho tsoa Historing:**

Lekhotla la pele la Methodist, le fana ka mohlala o motle oa tikoloho ea phelisano. Mohlala oona ha oa rereloa ho bonts'a ts'ekamelole le ts'ekisetso ea mofuta o fe kapa o fe bakeng sa kereke e itseng, empa o reretsoe ho bonts'a kamoo litaelo tsa Molimo li sebetsang ka teng.

John Wesley e ne e le moetapele oa litsoseletso tse khohlo historing ea Kereke. Lekhotla la Methodist le ile la tsoaloe le ho hola ho tsoa kutloisisong ea Wesley malebana le tlhoko ea lihlopha tse nyane.

Wesley o ile a bona ka liteko tsa kereke tse sa tebang haholo hore hona le tlhokeho e khohlo ea tikoloho ea phelisano. O ile a elelloa hore kantle ho tikoloho ea phelisano ea lihlopha tse nyane, tikoloho ea phelisano e tla ba toro le thuto feela e se nang moelelo(kahoo, hoo e tla be se 'nete). Kereke e tsoselelitsoeng e ile ea lokela ho ba le maikutlo a matla, ebile e le maikutlo a 'nete a kamano le tikoloho ea phelisano.

Ka selemo sa 1742, Wesley o ile a qala ho neng ho bitsoa "likopano tsa sehlopheng." Ha e le hantle, likopano tsena li ne li etsetsoa malapeng, e le likereke tsa lehae.

Sehlopha ka seng se ne se lokela ho ba le litho tse 12 ho tsoa sebakeng le tikolohong e le ngoe. Lihlopha tsena li ne li etelloapele ke baetapele ba baruti kapa baetapele ba sebetsang le moruti. Ho tsoa kahare ho tikoloho ena ea phelisano e matla, ho ile ha ba le bonnete ba ho (hona ha se taba feela):

- Jarelana mefokolo.
- Ho khothatsana le ho khalemelana.
- Ha qaloe ho etsoa likamano tse ka lumellang sebaka sa ho bua 'nete ka lerato.

Mokhoa oona oa katamelole, o ile oa lumella sehlopha ho hola, 'me hoo ha etsa hore sehlopha se fetohle le ho sebetsa joaloka kereke. Sehlopha sena se ile sa fetoha 'mele oa Krete ka sebele.

Notes —

# LIHLOPHA TSE NYANE

Notes —

## III. Ho Rarolla Litlhoko ka Lihlopha tse Nyane.

### A. Tlhoko ea Likamano tse nang le Kenano e tebileng.

1. Re le batho, re na le tlhoko ea ho ba le likamano tse tebileng le batho ba bang.
2. Lefats'e le fana ka likamano tse ngata tse se nang botebo (likamano tse sa khotsofatseng) bakeng sa ho fihlella tlhoko ena.
3. Lihlopha tse nyane li ka hlakola sekheo se bakoang ke likamano tseo tse se nang botebo. Likamano tsena li lokela ho thehoa ka boikemisetso ba tsotello, lerato le ho sebeletsana.

### Ntlha ea Puisano

Bolela hore na lihlopha tse nyane li ka thusana ho hahla likamano tse tebileng joang.

### B. Tlhoko ea Motho ka Mong.

1. Batho bohle ba rata ho ikutloa e le karolo ea ho itseng. Ba rata ho ba le seabo le karolo eo ba e bapalang.
  - a. Hona, ke 'nete le ka kereke. Setho ka seng sa 'mele se lokela ho nka karolo.
  - b. Leha ho le joalo, Bakreste ba bangata ha ba khone ho fumana sebaka sa bona kahar'a 'mele.
  - c. Lihlopheng tse nyane, besebeletsi ba motho le lineo tsa litho tsa 'mele oa Krete, li ka eloa hloko, tsa sebelisoa tsa ba tsa hahoa.
2. Lihlopha tse nyane e ka ba "lebala la boitokiso/tlhophisetso" hape e ka ba "sebaka sa netefatso" bakeng sa ts'ebeliso ea Lineo tsa Moea.
3. Lihlopha tse nyane li fa Mokreste ka mong monyetla oa ho fumana sebaka sa hae 'meleng. Li lokela ho akofisa le ho atisa besebeletsi.



# LIHLOPHA TSE NYANE

## Ntlha ea Puisano

Notes —

Bolela litsela tseo lihlopha tse nyane li thusang ho hahisa besebeletsi bo batsi, le ho lumella batho ka bo-mong ho bonts'a lineo tsa bona.

### C. Tlhoko ea Mats'olo a Ntlafetseng.

1. Testamenteng e Ncha, “linku” (balumeli) e seng baalosi (balisa/baruti), li ne li tsoala “likonyana.”
  - a. Sehlopha se senyane se etsa lebala la koetliso bakeng sa hore besebeletsi le lits'ebeletso li hahoe li be li ntlafatsoe.
  - b. Maikutlo a lokela ho tsepama haholo koetlisong le khothaletsong ea ho evangela.
2. Sehlopha se senyane se ka boetse sa etsa monyetla bakeng sa ho mengoa ha batho ba ka bang le thahasello empa e so be balumeli. Mothahaselli ea song ho lumele, a ka arabela memo ea ho tla ha motho e mong pele a ka arabela memo ea ho tla kerekeng.

## Ntlha ea Puisano

Bolela kamoo sehlopha se senyane se kileng sa sebelisoa ka tsela e ntlafetseng bakeng sa ho evangela.

### D. Tlhoko ea ho Koetlisa Baetapele ba ka-Moso.

1. Boetapele bo lokela ho hahisa ho tsoa kahar'a kereke.
2. Sehlopha se senyane se ka fana ka monyetla oa hore baetapele ba hlahisoa, ba koetlisoe ba be ba fumane monyetla oa ho etellapele.
3. Lihlopha tse nyane li ka atisoa ha baetapele ba ntse ba atisoa. Hona ke mokhoa o motle haholo bakeng sa Kholo ea Kereke.

## Ntlha ea Puisano

Bolela kamoo o kileng oa bona boetapele bo atisoa ebile bo matlafatsoa ka lihlopha tse nyane.

# LIHLOPHA TSE NYANE

## Notes —

### E. Tlhoko ea Tebelo le Tlhokomelo e Matlafetseng.

1. Ha ho bonolo hore Moruti a le mong a lise batho ba 350. Moruti o lokela ho sebetsa le sehlopha sa baetapele. O lokela ho abela ba bang boikarabello le botsamaisi. Baetapele bana ba bang ba ka khona ho alosa batho ba 10-15 ba sehlopha se senyane.
2. Bakeng sa hore kholo ea Kereke (palong le kholong ea semoea) e etsahale hantle, ho lokela ho be le katiso ea baetapele. Linku le balisa, ba lokela ho aroloa ka lihlopha tse nyane.
  - a. Ha hona ho sa etsahale, ho tla ba le kholo e fokolang kahoo.
  - b. Linku li ke ke tsa hlokomeloa hantle, hape, Molisa “o tla khathala matla”, kapa a ferekane a be a fokolloe ke mafolofolo ka baka la mosebetsi o mongata haholo.

#### Ntlha ea Puisano

Bolela litlamorao tsa ho hloka baetapele ba lekaneng kerekeng.

### F. Tlhoko ea Sebaka sa Bots'abeli ba Ts'ohanyetso.

1. Ha hona le ntho e hlahileng ka ts'ohanyetso, mohlomong e hlahile lesumatha bophelong ba hau, u lokela ho batla thuso ea motsoalle.
  - a. Sehlopha se senyane se ka fana ka metsoalle eo e haufi-ufi.
  - b. Lihlopha tse nyane li ka fana ka moetapele ea nang le kamano e matla le litho tsa hae.
2. Molisa a leng mong oa kereke a ke ke a khona ho arabela litlhoko tsa ts'ohanyetso tsa batho ba 500. Moetapele oa sehlopha se senyane a ka khona ho arabela litlhoko tsa batho ba 15.

#### Ntlha ea Puisano

Bolela maemo ao moetapele oa sehlopha se senyane a kileng a sebeletsa nakong ea bothata.

# LIHLOPHA TSE NYANE

## IV. litlhahiso tsa mokhoa oa ho haha lihlopha tse nyane.

Notes —

### A. Lengolo la Lihlopha tse Nyane.

1. Tse ngata tsa litlhahiso tsena li nkuoe khatisona e bitsoang Lengolo la Lihlopha tse Nyane.<sup>3</sup>
2. Ke khatiso e shebaneng haholo le khaho le phethoho ea lihlopha tse nyane. E na le lingoloa tsa bangoli ba fapakaneng. Re tla bolela sengoli ha nako e lumela.

### B. Litlhahiso bakeng sa Baetapele ba Lihlopha tse Nyane.

1. Melao e mehlano bakeng sa baetapele ba lihlopha tse nyane (e qotsitsoe karolong e ngotsoeng ke David Trembley).<sup>4</sup>
  - a. Boloka “boemo ba ts’abo” kapa “lintho tse ka tlisang ts’oso” boemong bo tlaase.
    - 1) Se susutlelle litho tsa sehlopha. E-ea butle le bona. Batho ba ts’aba lintho tse ncha. Ha ba rate ho utloa eka ba ea hatelloa
    - 2) Kahoo, tsoellapele butle-butle ka lintho tse ncha le mesebetsi e mecha. Qalong, aba maikarabello ao o tsebang hore a ka phethoa a qetoa. Ka nako e ngoe, u lokela o ko lumelle litho ho shebella.
  - b. Hlakisa bolelele ba nako eo litho li lokelang ho e fana kapa ho sebeletsa ka eona.
    - 1) Batho ba bangata ba thabela ho nka karolo nthong e itseng ha ba tseba hore ka tsatsi le leng e tla fela.
    - 2) Hlakisa palo ea libeke tseo o tla li nka bakeng sa boithuto bo itseng ba Bibe.
    - 3) Hlakisa lihora tsa boithuto boo ba Bebele.
    - 4) Boloka le ho ts’epahalla moralo le linako tsa ts’ebetso.

# LIHLOPHA TSE NYANE

## Notes —

### c. Boloka makunutu.

- 1) Lumellanang hore lintho tseo batho ba sa batleng ha li tsejoa ke batho bohle li tla bolokoa e le makunutu.
- 2) Haeba e mong oa litho a nahana hore litho tse ling tsa sehlopha li ke ke tsa khona ho boloka “makunutu”, setho se joalo se ke ke sa khona ho buleha ka bophelo ba sona.

### d. Se be ‘mui feela kamehla, a ko etse ho hong ho nang le ponaletso.

- 1) Likopano li lokela ho ba le nako ea puisano le likhato tse nkuoang malebana le tse buisanoeng.
- 2) Nka nako kopanong ea ho etsa ho hong. Litlhahiso li kenyeletsa:
  - a) Etsa li-toy bakeng sa bana ba hlohang.
  - b) Ngola liposekarete tsa khothatso bakeng sa batho ba chankaneng, le lipetlele, jj.
  - c) Ngola lengolo la khothatso ho mishinari.

### e. Arola sehlopha.

- 1) Ho bohlokoa ho fetola maikarabello a litho le ho hlopholla sehlopha kamor’a nako e itseng.
- 2) Hona ho ka boloka lintho li ntse li natefela baetsi, ebile li ntse li thahaselleha ho litho.
- 3) Hona ho ka boetse ha qobisa litho ho haha “maquloana”.
- 4) Ke ntho e bohlokoa ha ho na le kholo. Sehlopha se senyane se lokela ho lula se hola. Kahoo, sehlopha se senyane se lokela ho lula se aroloa (ka baka la kholo).
- 5) E fana ka monyetla hore baetapele ba bacha ba khone ho etellapele.

### Ntlha ea Puisano

Bolela maemo a bophelo a kileng a etsahala a neng a kenyeletsa litlhahiso tsena tsa lihlopha tse nyane.

# LIHLOPHA TSE NYANE

2. Mokhoa oa ho thusa setho se buang haholo ho bua ho lekana (ka Paul Thigpen).<sup>5</sup>

Notes —

- a. Ho hlophisoa ha litulo. Liphuphutso li supa hore ho hloptjhoa ha litulo ho ama kholo ea sehlopha.
  - 1) Selikalikoeng, motho ea lulang a tobane/shebane le moetapele; moetapele o 'mona ha bobebe. Hangata hona ho ka etsa hore motho eo a batle ho bua. Motho ea lutseng a shebile moo moetapele a shebileng, ha se hangata moetapele a shebang ho eena, kahoo, ha a na kothalo e kaalo ea ho bua.
    - a) Ema ho fihlela “sebuoeng” oa sehlopha a lula. Lula pel'a hae. beha motho ea sa buang haholo moo a tla lula a shebane le uena.
    - b) Ho lula pel'a motho ea buang haholo, ho ka u thusa hore o sebelise litho tsa 'mele hae ba o sa batle ho mokena hanong.
  - 2) Tafoleng e tloaelehileng, batho ba lulang qetellong ea mahlakore a mabeli a tafole, ke bona bao hangata ba tsamaisang puisano.
    - a) Moetapele o lokela ho lula qetellong ea lehlakore le leng la tafole. Motho ea sa buang haholo o lokela ho lula lehlakoreng le leng..
    - b) Motho ea buang haholo o lokela ho lula pel'a moetapele.

# LIHLOPHA TSE NYANE

## Notes

### **Mosebetsi oa Baithuti:**

Etsang lihlopha tse nyane. Motho e mong e be moetapele. Motho e mong a bapale karolo ea “sebuoeng.” Empa pele phutheho e tsoelapele, hlophisa litulo ka tsela ea selikalikoe. khetlong le latelang, li behe ka tsela e nang le lihuku.

Moetapele a leke ho thiba “sebuoeng” hore a se bue ho feta tekanyo..

Lumella batho ba sa ts’oaneng ho ba moetapele. Ba hlopholle ba lule libakeng tse fapaneng. Ntho ee e u ama joang?

#### **b. Ts’ebeliso ea lipotso.**

- 1) Tobisa lipotso ho batho ka bo-mong, ho ena le ho sehlopha sohle. Hona ho tima “sebuoeng” monyetla oa ho araba lipotso tsohle.
- 2) Ho “sebuoeng”, botsa lipotso tse tla hloka likarabo E/che, kapa lipotso tse hlokanang khetho ea karabo, ‘nete/leshano, jj.
  - a) Haeba ho hloka hore o kene “sebuoeng” hanong, u ka sebelisa lipotso tsa E/che. Hona ho ke ke ha etsa hore ho bonahale haholo hore u leka ho mokena hanong.
  - b) Ha “sebuoeng” a araba “E/Che”, u ka tobisa puisano ho setho se seng ka ho buang ntho e kang: na u lumellana le hoo, Maria?

### **Mosebetsi oa Sehlopha:**

Etsang lihlopha tse nyane. Motho e mong e be moetapele. Motho e mong a bapale karolo ea “sebuoeng.” Leka ho sebelisa lipotso bakeng sa ho thusana hore “sebuoeng” a se bue ho feta tekanyo.

#### **c. Ho ngola phuthehong.**

- 1) Kopa sebuoeng ho ngola lintlha/metsotso kopanong.
- 2) Hona ho tla etsa hore sebuoeng a phathahane haholo nako e ngata ha a ntse a ngola.
- 3) Hona ho tla motlamea hore a mamele ba bang ha ba bua. Ntho ena e ka ba ntle haholo bakeng sa motho ea buaoang ho feta tekanyo.

# LIHLOPHA TSE NYANE

3. Mokhoa oa ho sebelisa lipotso ho akofisa mokhoa oa ho nka karolo kopanong.

Notes —

a. Bothata ba lihlopha tse nyane (haholo qalong), ke ho se nke karolo sehlopheng. Moetapele a ka ferekangoa ke hona. O hlophisa boithuto ba Bibe, 'me o leka ho kenyeletsa setho se seng le se seng sa sehlopha. Empa ba bangata ha ba ikemesetse ho nka karolo puisanong le thutong ea letsatsi.

b. Moetapele a ka sebelisa mefuta e mene ea lipotso bakeng sa ho akofisa puisano. Lipotso ke lisebelisoa bakeng sa hore baetapele ba kenyeletse ba bang puisanong.

1) Lipotso tsa temoso.

a) Molaetsa oo o reng ka tumelo?

b) Setho sa sehlopha se lokela ho fana ka karabo e fetang fela 'e' kapa 'che'.

2) Lipotso tsa botoloki.

a) Ho boleloang ha ho thoe tumelo ke kholiseho ea lintho tse song ho bonoe?

b) Motho e mong a ka 'na a araba ka hore, ke bonnete ba joale ba ntho e song ho etsahale.

c) Moetapele a ka sebelisa karabo ea botoloki ba setho ho akofisa puisano: na hoo ho bolela hore tumelo e khahlanong le bonnete?

3) Lipotso tse akaretsang.

a) Na ho na le motho a ka akaretsang seo re ithutileng ka tumelo?

b) Kamor'a puisano ea nako e itseng, ho bohlokoa ho fana ka kakaretso ea se builoeng. Lumella litho tsa sehlopha ho etsa sena.

# LIHLOPHA TSE NYANE

## Notes —

4) lipotso tsa kamahanyo le phethahatso.

- a) Na u na le mofuta o tje oa tumelo? Na hona le motho ea ka fanang ka boemo ba joale moo tumelo e sebelitseng?
- b) Motsotsong oona, u batla ho lumella Moea o Halalelang ho itsamaela. Kopa batho ho bulehela Moea oa Molimo. Mohlomong u ka thusana pele ka ho fana ka karabo ea hau pele. E etse hore e amane le bophelo.
- c) Ha ts'abo kapa leqe li robiloe, batho ba bangata ba thabela ho arolelana ntho e amanang le bophelo ba bona. Re ipapisitse le sehlooho sa puisano, ho ka etsahala hore motho e mong o rata ho arolelana ho hong le motho e mong. Hona ke monyetla oa hae. Hona ho ka tsoala nako ea bosebeletsi.

### Mosebetsi oa Sehlopha:

Boela o behe baithuti ka lihlopha. Lumella batho ba bang ho bapala karolo ea moetapele. Khetha Lengolo leo le ka ithutang ka lona Bibeleng. Moetapele a ka sebelisa lipotso tsohle ho akofisa puisano sehlopheng.

4. Mokhoa oa ho haha tikoloho bakeng sa puisano e bulehileng sehlopheng sa hau (ka Thigpen).<sup>6</sup>

- a. Tlhaolo khahlanong le Tlhakisiso ho tsoa ho Moetapele.
  - 1) Moetapele ea lulang a hlaola ho fosa ha litho, o koala thahasello ea batho ea ho buleha bakeng sa puisano. 'Nete ke hore, ho tla lokela ho be le nako ea boitlhahlobo. Leha ho le joalo, qalong, moetapele o lokela hore a hlalose le ho hlakisisa seo motho a se buileng.
    - a) Mohlala, moetapele ea hlakisisang a ka arabela setho sa sehlopha ka ho botsa potso: na u bolela hore kereke eohle e lokela ho nka karolo tabeng ea pholoso? Moetapele a ka sebelisa tlhakisiso ho akofisa boleng ba puisano.
    - b) Moetapele ea nang le semelo sa ho hlaola a ka re: polelo eo e kotsi haholo. Pholoho e tla ka tumelo. Kereke e ke ke ea khona ho pholosa mang kapa mang.



# LIHLOPHA TSE NYANE

- 2) E ba le mamello. Haeba tokiso le ho otlolla taba ho lokela ho etsoa, etsa hoo ka pelo e bonolo, le ka tsela e sa ts'oseng. Le teng, se ke oa hlaola phoso hang. Sebelisa tlhakisiso bonyane. Lumella batho hore ba be le maikutlo a bona o sa hlaole sohle.

Notes —

## Ntlha ea Puisano

Sebelisa Lipr 18:13 ho akofisa puisano ka tlhaolo khahlanong le tlhakisiso.

- b. Keletso khahlanong le boitsebelo bo tsoang ho moetapele.
- 1) Akofisa boitsebelo ho feta keletso. Ha motho e mong a bolela bothata, ha se nako eohle moetapele a ka fanang ka keletso. A ka re ho sehlopha: na hoo ho kile ha etsahalla motho e mong? Na u ka re arolela boitsebelo ba hau, le hore na o ile oa rarolla bothata boo joang.
  - 2) Ho ena le ho bolella batho seo o nahanang hore ba ka se etsa, u ba bolella se kileng sa u etsahalla. Hona ho na le manoni a maholo. E boetse e etsa tikoloho e betere bakeng sa puisano.

## Ntlha ea Puisano

Sebelisa 2 Bakr 1:4 ho akofisa puisano malebana le ho fana ka keletso khahlong le ho arolelana ka boitsebelo ba hau.

- c. Molao khahlanong le Pelo ea ho ruta ho tsoa ho moetapele.
- 1) O le moetapele, qoba mantsoe a kang “kamehla”, “ho ke ke ha etsahala ho hang” le “ntho e mpe ka ho fetisisa.” ‘Nete ke hore hona le lintho tse hlileng li sa fetoheng hakalo. Jesu ke Molimo kamehla. Leha ho joalo, ba bangata ba rona ba sebelisa mantsoe ana hangata ekasitana le boemong boo taba e sa bonts'eng o mong oa mefuta o joalo oa maikutlo.
  - 2) Hona ha ho bolele hore ha re lokele ho ba le kholiseho linthong. Ha re rate ho hlaha re le baetapele ba bonahalang ba na le lipelaelo. Mona re ipuela feela ka tsela eo o beha lintlha le maikutlo a hau ka eona. Lipolelo tse kang “ho hloma e ka” le “ho tsoa boitsebelong ba ka,” li ka sebelisoa ho etsa tikoloho e ntle bakeng sa puisano.

# LIHLOPHA TSE NYANE

Notes —

## Ntlha ea Puisano

Sebelisa 1 Bakr 13:9 ho akofisa puisano malebana le molao le pelo ea ho ruta.

- d. Setsibi khahlanong le Moithuti ho tsoa ho Moetapele.
- 1) Qoba ho sebelisa “litsebi” e le sebetsa sa ho hlola khang kapa ho etsa boits’ireletso ba ho se ithute ka taba eo e le uena.
  - 2) Lipolelo tse kang: “boramahlale ba re” le “batho ba bangata ba tla lumela hore” li thibela puisano e bulehileng. Ke mang ea ka ratang ho hanyetsa borabohlale kapa “batho ba bangata?”
  - 3) E ba moithuti. Etellapele sehlopha sa baithuti. Re ntse re ka thusoa ka litaba tseo mehloli e metle e ka lifanang. Leha ho le joalo, re lokela re ithute pele, re rue tsebo e le rona pele.

## Ntlha ea Puisano

Sebelisa 1 Bakr 1:20 ho akofisa puisano malebana le setsibi khahlanong le ho ba moithuti.

- e. Katamelo ea potlako khahlanong le katamelo ea ho nka nakoana ho tsoa ho moetapele.
- 1) Se potlakele ho fumana karabo potsong. Nka nakoana. Fa motho monyetla oa ho inahana. Lumella batho ka nako ea boikhutso. Ema!
  - 2) Ha batho ba utloa ba potlakisetsoa ho araba lipotso, hoo ho ka etsa hore ba se bulehe haholo puisanong. Tikoloho eo batho ba bulehang ho eona ho bua, hangata ke tikoloho ea bolokolohi, moo ho sa potlakeloeng lintho.

## Ntlha ea Puisano

Sebelisa Jakobo 1:19 ho akofisa puisano malebana le Katamelo ea potlako khahlanong le katamelo ea ho nka nakoana ho tsoa ho moetapele.

# LIHLOPHA TSE NYANE

- f. Ho se tsotelle khahlanong le kutloelo-bohloko ho tsoa ho Moetapele.
- 1) Moetapele o lokela ho bonts'a ts'ehetso le thahasello ho motho, leha ha a sa ts'ehetse kapa ho thahasella maikutlo a motho eo.
  - 2) Puleho puisanong e ka senyeha haeba maikutlo a sa tsotelloe le ho tloisoa mahlo holimo.
  - 3) Maikutlo a motho ka mong a lokela ho eloa-hloko, hobane motho e mong le e mong o lokela ho eloa-hloko.

## Ntlha ea Puisano

Sebelisa Liprov 20:5 ho akofisa puisano malebana le ho se tsotelle khahlanong le kutloelo-bohloko.

5. Litsela tsa ho haha lits'ebeletso le bosebeletsi ba litho tsa sehlopha se senyane (ka Hannelore Bozeman).<sup>7</sup>
- a. Fana ka boikarabello le botsamaisi ba sehlopha sa thoriso le khumamelo ho litho.
  - b. Khothaletsa litho tsa sehlopha ho etsa thapelo haholo ha e le nako eo sehlopha se rapelang ka eona.
  - c. Lumella litho tsa sehlopha ho rarolla liqaka le ho etsa liqeto.
  - d. Khothaletsa litho ho se khathale ho amohela baeti. Fana ka boikarabello boo ho motho eo kopano ea sehlopha e ts'oaretsoeng ha hae ka nako eo. Kopano e ka ba mahaeng a fapakaneng beke ka ngoe.
  - e. Leka hore o se bue nako e telele, o etse thuto ea nakoana, o botse lipotso tse akofisang puisano, o nto fana ka kakaretso le qetello ea thuto. Lumella litho tsa sehlopha ho nka nako e ngata ea o bua ho feta uena
  - f. Khetha batho ba ka khonang ho etellapele. Ba rute mokhoa oa ho rala le ho hlophisa bakeng sa kopano. Etsa lithophiso tsa kopanong e ngoe le bona. Ba lumelle ho etellapele likarolo tse ling tsa kopano ea sehlopha.
  - g. Rapela ka ho otloloha bakeng sa setho ka seng sa sehlopha sa hau.

Notes —

# LIHLOPHA TSE NYANE

Notes —

## Ntlha ea Puisano

A ko nke nako ea ho akofisa puisano ka lintlha tse fanoeng kahlimo. Na u ka nahana ka tse ling?

6. U fihletse eng?

- a. Re ka re, **kantle ho pono, boikemisetso, kapa boikutlo ba boiphihlelo bo itseng, sehlopha se senyane se ka timela.**
- b. Moetapele oa sehlopha a ka qoba phoso ena ka ho etsa bonnete ba hore sepheo le moralo oa kopano o hlakile ebile o otlolohile. Haeba setho sa sehlopha se botsa: “Hantle re etsa eng moo,” setho se seng sa sehlopha se lokela ho araba hoo ka mokhoa o hlakileng, o otlolohileng: “Moetapele o itse kajeno re tla shebana le litsela tsa ho jarelana mefokolo. ”
- c. Moetapele oa sehlopha a ka boetse a qoba kotsi ena ka ho etsa tlhaloso ea se fihletsoeng. Qetellong ea kopano, moetapele o lokela ho hlalosa se etsahetseng kopanong. O lokela hore: “Joale, re ikemiselitse ho rapellana metsotso e 10 letsatsi ka leng. Re boetse re entse qeto ea ho amohela likopo tse khethehileng bakeng sa moo hlokahalang thuso qalong ea kopano/phutheho ka ngoe, ‘me re le sehlopha re tla etsa tumellano ea mokhoa oo re tla arabela, kopong ka ngoe.”

7. Mokhoa oa ho qala phutheho ea Sehlopha se senyane. Khetha ntho eo o ka e etsang e ka hlophisetsang le ho susumetsa sehlopha ho thahasella ho tla phuthehong.

- a. Ketso ena e lokela ho qaloa ka nako e lumellanoeng.
- b. E lokela ho natefela batho, e tlale ka khothalo.
- c. E lokela ho ba le boleng ba ho memela batho ho ba karolo ea phutheho. E lokela ho akofisa boikutlo ba setsoalle.
- d. E lokela ho ba ntho e hlakisitsoeng ka botlalo. fana ka litataiso tse utloahalang.
- e. Hlalosa bolelele ba nako eo ntho ena e tla nka.
- f. E lokela ho hlophiseha ka mokhoa o batsi. Phutheho e tla angoa hampehali ke ketso ea pulo e ka hlahisang pherekano.

# LIHLOPHA TSE NYANE

- g. Ntho ena e lokela ho khannella sehloohong sa phutheho.
- h. E lokela ho kenyeletsa setho se seng le se seng sa sehlopha.
- i. E lokela e be ntho e tlisa khothaletso bakeng sa hore sehlopha se be le kenano. Setho se le seng se lokela ho ba le katamelano le setho se le seng bonyane.

## Ntlha ea Puisano

Bolela lintho tseo o kileng oa li bona li atleha pokanong kapa phuthehong ea sehlopha se senyane.

- 8. Matlafatsa litho tsa sehlopha sa hau ho ithusa le ho thusa ba bang.
  - a. Thusa litho ho ithusa.
    - 1) Ha Bibe e re re lokela ho jarelana mefokolo, ha e bolele hore re lokela ho etsa sohle bakeng sa motho eo.
    - 2) Re lokela ho ba hlokolosi hore re se etse maemo ao motho a ka its'etlehang ka rona ka botlalo, eaba joale o fetoha mojar o boima. Hona ha ho thusa motho. E ropa motho eo. Re lokela ho thusa motho e mong hore le eena a ithuse. Hona ke ho ba holisa le ho ba ntlafatsa.
  - b. Thusa litho ho thusa ba bang. Ho Bagalata 6:2, Paulosi o laela Bagalata “ho jarelana mefokolo.” Re lokela ho ithuta hore na ke mefokolo e fe eo re lokela ho e jara, le hore na ke e fe e ka jaroang ke motho eo.
    - 1) Hona ho bolela ho fa Mokreste e mong thuso hae ba a jarile mojar o mofetang o ka tlisang bothata nameng, kelellong le moeeng. Ha e bue ka lintho tsa letsatsi le letsatsi, tseo motho e mong le e mong a ka kopanang le tsona.
    - 2) Paulosi o etsa bonnete ba hore o hlakisa ntlha ena. Ho Bagalata 6:5, o re “hobane motho ka mong o tla itjarela mefokolo ea hae.” Lentsoe le sebelisitsoeng mona la Segerike, le fapane le le sebelisitsoeng ho 6:2. Lentsoe “mojar o” le bua ka boima boo motho ka mong a lokelang ho bo jara. Re lokela ho jara boima bona ka bo-rona. re lokela ho its'etleha ka Molimo ka botlalo.

Notes —

# LIHLOPHA TSE NYANE

Notes —

## Ntlha ea Puisano

Bolela boitsebelo bo amanang le ho thusa ba bang le ho thusa ba bang ho ithusa.

9. Se lule o hahlile, sefahleho se tiile kamehla. A ko lumelle nako ea ho ts'eha (ka Thigpen).<sup>8</sup>
- a. Ho ts'eha ho ka tsoela litho tsa sehlopha se senyane molemo ka litsela ena.
- 1) Hona ho etsa hore batho ba ikutloe e le karolo. Liphuputso li bonts'a hore ho ts'eha 'moho ho phahamisa maikutlo a bongoe kahar'a sehlopha.
  - 2) Ho ts'eha ho ka emisa kapa ho theola khatello maikutlong, hape ho ka emisa khohlano. Moetapele a ka etsang ha litho li halefelana? Moetapele a ka qabola ho choatla khohlano.
  - 3) Ho qabola ho ka hlophisetsa batho ho ananela linnete tseo ho seng bobebe ho amoheleha. Ho qabola ho na le tsela ea ho fokotsa le ho theola ts'oso ea thuto e thata, e tobang.
  - 4) Ho qabola ho etsa tikoloho e ntle bakeng sa puisano e bulehileng. Ho ka heletsa marako ao batho ba hahang ho its'ireletsa. Sehlopha se tla lokoloha, 'me se thahaselle ho ba le kenano.
  - 5) Ho qabola ho beha lintho mocheng. Ho tlisa tekano e ntle boemong bo boima kapa bo nyahamisang.
  - 6) Ho qabola ho tlisa tokoloho le kimollo. Nakong ea bohloko, tahlehelo, kapa ho imeloa maikutlong, batho ba lokela ho ts'eha.
  - 7) Ho qabola ho ka etsa hore phutheho e natefisoa. Liphutheho tsa sehlopha se senyane ha li ea lokela ho bora le ho ba bolutu. Ha se nako eohle re lokelang ho sebetsana le mesebetsi le puisano feela.

## Ntlha ea Puisano

Sebelisa Liprov 17:22 ho bua ka ts'ebeliso ea ho qabola phuthehong ea sehlopha se senyane.

# LIHLOPHA TSE NYANE

## Beha Mohlala oa hau

Notes —

- b. Litataiso tsa ho sebelisa ho qabola phuthehong.
- 1) O le moetapele, u lokela ho etsa mokhoa oa ho qabola. Na u ka its'eha? Na u tseba nako eo o ka sebelisang ho qabola ka eona?
  - 2) Sebelisa le ho etsa mehlala e ka etsang puisano e qabolang sehlopheng.
    - a) Bolela lintho tse ka qabolang tseo o kileng oa feta ho tsona le boitsebelo ba hau (hona ho ka thusa litho ho tsebana, 'me ho ka qabola haholo).
    - b) A ko bolelle sehlopha ka ntho e qabolang haholo kapa e soabisang eo kileng oa feta ho eona bophelong.
  - 3) Liphuputso li supa hore, boikutlo ba boqabohi ba sehlopha bo angoa ke boholo kapa bonyane ba sebaka seo ho kopanetsoeng ho sona. Haeba phaposi ea kopanelo e kholo, sehlopha se tla ts'eha hanyane.
  - 4) Pheta lipale tse ts'ehisang tsa ntho tse kileng tsa etsahala maphelong a sehlopha. Ntho ena e natefisa phutheho ebile e akofisa boikutlo ba boleng bo botle kahar'a sehlopha.

# LIHLOPHA TSE NYANE

## Notes —

c. Litlhokomeliso malebana le ho qabola.

- 1) E ba hlokolosi. Qabola ka lintho tseo batho bohle ba tla li utloisisa. Qoba ho sebelisa “mesoaso ea kahare” (ho boleloa ho qabola ho utloisisoang ke batho ba fokolang) ho ts’eha ‘moho ho akofisa bongoe, empa ho ts’eha ha bo-mong ho ka akofisa likhaohano.
- 2) Se ka ba oa sebelisa mesoaso e hobosang le ho theola ba bang seriti. Qoba ho nyenyefatsa kapa ho hobosa mang kapa mang.
- 3) Se peteletse ho qabola. Ho lokela ho itlisa ka bo-hona.

### Ntlha ea Puisano

Bua ka mekhoha e metle kapa e mebe ea ho qabola e amanang le sehlopha se senyane.

**C. Litlhahiso tse malebana le Lintho tse ka thusang ho hohela le ho holisa Sehlopha.**

#### Mohlala #1:

Setulo se senang motho (ho haha sehlopha).

Beha setulo se sa luloang kamoo ho phutheheloang ka teng. Haeba sehlopha se na le litho tse supileng, beha setulo sa borobeli se sa luloang phuthehong.

Phuthehong e ngoe le e ngoe, rapella hore ho be le motho ea tla lula setulong seo:

- Hona ho beha tsepamo ho evangeleng.
- E akofisa taba ea ho atisoa ha lihlopha tse nyane.
- E boloka sepheo sa pharalatsoa ha ‘Muso oa Molimo.



# LIHLOPHA TSE NYANE

## Mohlala oa #2:

Mona ke mokhoa oa ho akofisa bongoe le kenano. Sebelisa lipotso tsena, o kope litho ho ngola likarabelo tsa bona.

Ke lintho li fe tseo ke loants'anang le tsona bophelong ba ka? Lintho tsee li nkama joang? Li ama kamano ea ka le Molimo joang? Li ama ba bang joang?

Khothaletsa litho tsa sehlopha ho bulehela sehlopha. Fana ka nako e lekaneng bakeng sa setho ka seng ho qeta ho ngola likarabelo tsa hae.

Ka bongoe, setho ka seng se arolelane likarabo tsa hae le sehlopha:

- Moetapele a leke ho etsa hore litho li arabe.
- Litho tse ling li lokela ho fana ka litlhahiso le ts'ehetso.
- Sehlopha se lokela ho rapella motho ea aroleaneng ka ntho e molubang.

Litho tsa sehlopha li lokela ho elelloa hore, batho ba bang ba ntse ba na le lintho tse ba khathatsang joaloka bona. Ba tla amohela litlhahiso tse ka bathusang. Ba tla khona ho lokolla ntho eo esaleng ba e boloka e le lekunutu. Sehlopha se tla ikutloela monate oa bongoe bo ntlafalang mahareng a bona ha motho e mong a arolelana lekunutu le bona.

Notes —

# LIHLOPHA TSE NYANE

## Notes —

### **Ketso ea Boitlhahlobo ba Sehlopha:**

Etsa qeto ea hore na ke mang ea tla hlahloba sehlopha.  
Motho e mong le e mong o lokela ho ba le monyetla oa ho etsa tlhahlobo e itseng.

Etsa qeto ea nako eo boitlhahlobo bo ka etsoang ka eona:

- Lihlopha tse ling li rata ho etsa boitlhahlobo hang-hang ka mor'a phutheho e ngoe le e ngoe.
- Ha lihlopha tse ling li rata ho etsa boitlhahlobo kamor'a nako e telele.

Etsa qeto ea se lokelang ho kenyeletsoa boitlhahlobong.  
Mona ke mehlala ea lintlha tseo o ka etsa boitlhahlobo ka tsona:

- 1) Na meralo ea rona e hlakile?
- 2) Na re fihletse maikemisetso a rona? ke meralo e fe e mecha eo re lokelang ho e etsa?
- 3) Na mekhoha ea ho fihlella maikemisetso e atlehile? Ke mekhoha e fe e meng eo re lokelang ho e sebelisa?
- 4) Na re bongoeng? Re ka akofisa bongoe joang kahar'a sehlopha sa rona?
- 5) Na sehlopha see se hlophisehile ka tsela e ntle? Re ka ntlafatsa mekhoha ea rona ea ho hlophisa joang?
- 6) Na re buisana ka mokhoa o hantle? Re ka etsa joang hore re buisane ka mokhoa o motle, o hlakileng?
- 7) Na boetapele ba rona bo mafolofolo? Re ka ntlafatsa boetapele ba rona joang?
- 8) Na litho tsohle tsa sehlopha li nka karolo? Na ba lumelloa le ho khothaletsoa ho nka karolo? Sehlopha se ka akofisa ho nka karolo ha litho joang?

# LIHLOPHA TSE NYANE

## **Foromo ea Botho ea Boitlahlobo:**

Etsa foromo ea boitlahlobo bakeng sa setho ka seng ho etsa boitlahlobo. Litho li ka arolelana liphetho le sehlopha sohle kapa ba ka boela ba sheba mekhoha e meng ea ho intlafatsa.

Mona ke lipotso tse ka sebelisoang.

- 1) Na ke tla ke na le tebello? Na ke ikemiselitse ho ithuta ho ba bang?
- 2) Na ke khona ho mamelisisa ba bang? Na ke fa ba bang tsebe le tsotello?
- 3) Na ke na le tsotello le ho elelloa litlhoko le maikutlo a ba bang?
- 4) Na ke bua haholo? Na ke bua ho lekana? Na seo ke se buang se tlatsetsa puisano ka tsela e manoni?
- 5) Na ke thusana ho rarolloeng ha mathata? Na mesebetsi ea ka e netefatsa lipolelo tsa ka, na ke khona ho etsa ho feta ho bua?
- 6) Na ke bulehile ho lekana bakeng sa sehlopha?
- 7) Na ke khothatsa le ho khothaletsa ba bang bosebeletsing ba bona, kapa ke monella seo ba se etsang?
- 8) Na ke amohela thuso, khothatso, 'me na ke ananela ho bonts'oa liphoso tsa ka ke ba bang sehlopheng?
- 9) Na ke amohela karolo ea ka ea boikarabello le botsamaisi sehlopheng? Na ke itolobelelitse ho ba karolo ea sehlopha?

Notes —

# LIHLOPHA TSE NYANE

## Notes —

### Tse Qetellang

<sup>1</sup>E nkiloe karolong ea molaetsa o fanoeng ke George Whitefield.

<sup>2</sup>E nkiloe lingoloeng tsa sehlopha, thutong ea Kereke le Bosebeletsi, Junifesiting ea Regent, e neng e rutoa ke Dr. Joe Umidi, 1987. E sebelisitsoe ka tumello.

<sup>3</sup>lintlha tse ling le tsela eo lifetisoang ka eona, li nkiloe ho tsoa lingoloeng tse fapakaneng sehloohong sa “The Small Group Letter” (Colorado Springs, Colorado: The Navigators, 1985).

<sup>4</sup>David Trembly, “The Small Group Letter” (Vol. 2, Issue 5), p. 1.

<sup>5</sup>Paul Thigpen, “The Small Group Letter” (Vol. 2, Issue 5), pp. 1, 2.

<sup>6</sup>Paul Thigpen, “The Small Group Letter” (Vol. 2, Issue 6), p. 5.

<sup>7</sup>Hannelore Bozeman, “The Small Group Letter” (Vol. 2, Issue 6), p. 5.

<sup>8</sup>Paul Thigpen, “The Small Group Letter” (Vol. 2, Issue 1), pp. 1, 2.